

3. Ненлюмкина



упынгам Куянатна

ББК 84Эск.-5 Н51

Оформление **В. Яценко** Редактор **Л. Г. Тынель**

H $\frac{4702730000-035}{M-149(03)-90}$ 12-90

ISBN 5-7581-0101-X

С) Ненлюмкина З. Н., 1990

УПЫНГАМ ҚУЯНАТНА

СИЛЪА АНУКНУХТЫКАТАЯ

Силъа ануқнуқтыкатая Ылъпык ўи ынқамамкын. Накын игваглуни гинақа Амалъи пилъықуқ:

— Утыгмун ысқақақа... Икиқтақақа кергыса. Лъика атқын апыяққақа. Самавык, имам пенун, Атқақаталгетын, Агитыкьяққамкын,

туклъулътын! Лъиқа уна қилак, иңгит ынкам имақ, Таўатын питутагми этам Кынлылиңгат нутан қаныгьяуҳлъыгит, Юм умьюгарахъыгит.

Апытыхпыне, кина сивумни ыглыхтақа Уи илука ынтухтақақа, Ынқақнама, утысмун киньяяхқана.

АЛЕНИГУТНА АГНАМ

Оквихпыне, ылагниуқыхпыне, Ниқугнельо анльықо. Китулгит ыгныгыт атасикун Ысимаяпук, аваугнельықут. Окыхпыне, ылагникыхпыне — Углақ пинилге ысимауқ Атасикун ысимальун. ... Никугнельо анльықо. Эгун утықтыкума, сагмақльықақа

синит атутыка!

Атутуунани юк наклхыгнақ. Алывинка акақут... Ануқым исикиналуим лъиқа авеет, Авиуатақуқ ымака, айхауминың

алывинка авеет.

... Илогын наньяклъуку уноми илогақа, Утықтывкагнаюклъо. Нуна, силъа ўи илакақа, Натын алеқынаго нунани пиқтум, ануқым. Натын уна иуна кыпнетуқ куплъуку ылъпылъу. Китумун алъамун апынгито, Нунамун нанылъугма увгуто. Китуқлъықут ыгныгыт, Углақ ынқақлъықақа Ысималге тамани, ысималъун атасикун. ... Лъиқа атуты авигалъыге, Авигатақлъықуқ сивулиқпигақ юк, агнам пиниқылъхагумая!

КЫХСУХПИГАЛГЕ УКЬЮК

Ысҳапақо қергысакун силъамун, Таўатпеқо: Қыҳсулге, қыҳсуҳпигалге

укьюқ тайқакма...

Тарум илони ыкынугақ ыкумахтақақа,

утақақамкын.

Апыпихсимая нуна қайңаның ысқапақақа Қилак ысқагнақуқ, қилак игалықитақтуқақ. Қықсулгим, қықсуқпигалгим укыом Ынқакыпихтақа умаматнани ысқалъықпук. Ыкумақтақақа ыкынугақ, утақақамкын. Уанику акуна кықсулге, апымсухенам! Илука утақаналге ылъпык пиниқымсухенам! Ыкнық ысқаглуку анатугилъықутын ўимнун. «Кықсулге, кықсупихлъыге укыоқ, тайқакма». — Пилъықутын.

Илуинамкун атҳын апыӷақақа. Пеко ўимнун: Қыҳсоқыхтам апым Ылъиқақа ысҳалъыҳпук инлъывақ. Қыҳсулӷе, кыҳсоқыхтақ укьюқ... Илоқ икиҳтақуқ — ылъпык... Қалиҳпык илоның амоқатын (Укьюми!) Уңувалгит насиӷат. Сали аврапыни уӷуйитет қанит, Сали итыӷрелге нынлъыпагниқ. Санени ыкынуӷам, пырилгеми илони ыным ысҳалгуӷақақа кыҳсуҳпигалге апы силъами.

АТУТЫМ АНУНЕГА ЮПИК НАНИ ЛЪЫГАН

Атуты илумың анлуни тыңақуқ эванун. Гиўит аглукилъу улувут микискимта Аваунгатхун, атуты сивигутақуқ. Кимухсик сукёхтакук сивутмун. Апы таўенақ тырытагақуқ Ысхаглакын натын пиникьямкын, Ынкам атулъун атасикун! Атутым аңунега юпик нани лъыган Мугулъыге, ыналге, ангикыситалге. Юпим атутыни итаклъуку ылъикака, Малихтақа куирагақ, малихтака масақ Ынкам алывит, алывит акақут ықыхкынкун. Нунам, нунивим апыгақа ылънанун Куйваналге, куяналге. Юпик налъкунехтук атутымын... Пугнехтут апалъут...

АТУТНАК ЫСХАУНАЛГИК

Таўа аюкатахтуқ Кинулимын ысхалъыхпук. Самын атулъакын кинулимын? Тугукувгун саяқ мумылык ытырогмын, Агулехлъықут кинулит кангынка акныгани мумгым.

Ынкам саян касагутыклъуку,
Налъкылъықатын апалъут.
Қуяклъықатын, таўенақ, ке ми,
Таўенақ ўинунгилнум!
Салъықам, натын пимакывна:
«Атутыпук атутыкьягуне́гет
Углат юпит, углат ысҳауналгит.
Итагнаҳпынани атун, саютнисак,
Имигаҳсилуни нунивагми, ныпнингалгеми,
Эванусапик никугнақуқ!
Таўа аюкатаҳтуқ
Кинулимың ысҳалъыҳпук...
...Уенлыги углақ аваугнаугутаҳпук!»

Аттанұуқта...
Кытнани имақ сикукатая...
Уи алиныохтанұито, аглықтанұито,
Матын тупахлъықо ықтыкатая,
Таным ылъпынун, имак, атқақлъыко.
Акықинұито, кырыхтенанұито,
Уата, ўата, атқақлъықо.
Таўенақ ылъпык ўата утақанакывна!
Атасимын агминақ ысқаұнетуқ

* * *

Қыюқулъыге эваның илумнун

анқигутақуқ.

Аттангухта... Таруми синынакун ыглыхтақо. Илисимакако сали имак сикунгиса! Санимни има ытақуқ имақ, Иии, ытакук! Кангусақа кинагутуқ имақ, Нами, нынангитук! Уенлыги налъкыюгақақа қанық, Қанықьюгнақьяхқа имам, Атугнега амалъи ке, қаку. Аттангухта... Илисимакақақа санимни ылъыге, Никугақанка таграт, (Амалъи келигакук). Мулулътын ысхангисамкын, Аңоқнамкын, қангутақамкын: Ангыпа қавануни, углақ гиўи аглукулъу Таўатылъутын ысхақымкын? Таным ыхтыкаку ысхагнегамкын Қыюгулъыгетын эвани, имақ! Ынкам никуулъықақа нагуям

қалгихтулъха.

Сивулиҳпигам наӷуян-ыӷныӷан имам! Ыгминақ наңылъон қантаӷамын ысҳаӷнетуқ имақ!

Қайгуа кынлыңа ысқагнақта! Аттангуқта... Санимни ылъыгетын, имақ, илисимакақамкын.

АТУТЫ-ЮМ ҚУЯНАТНА

Акуна атасимын акихкане Нукувгако силъатымни. Ысхапаканка каниврыгат ихлъыгит. Нами, қивгуйито акихкегулъыгена! Тукуқ юм илон пининқутыкынгита. Илум каяқа қаник, қилак, масақ. Ынлыкнатна нунам, нунивим. Малукнақ ынкам санени тукум Ысхангисат ынлықналге нуна. Никухпынан атутна ануқым, имагнам! Канга игалыкитагвим никухпынан, Кисисинық таўенак акихканын, Илу ақитуңғалуни тукумсухенам! Атутынлъахтым, саюхтым, атухтым Тукукет: саяк, мумык, алнагитак ынкам эйнененыткуты. Алнахтым-ам итакакет: Алнаты, алнақ, алнагитақ. Ынкам ылънани тукугут итагналътын

такут.

Кайыва сақуқ қаник, Сукалъуни ихтақуқ. Атуты илумни алегақуқ. Кайўа атуты акихкамун питута? Лъика тыгмеқ, лъика алывик Аюгнетуқ, тукпигнетук, Алелге акуна асигнетук. Киени апыйкатын ке, (кайнукынгах пыхун), Накалъу риннаўилътын, Атха қаку апыгнеган Инкасихлъо тутмиканун Ылъмагарагақ атугақо. «Атуты тукпигнетуқ акихканын, Никуçослуку қуянатнуқ, Ылъҳым нанылъон: Нунивим, юм Пайсулъҳан ынлықнанқутыка!» — Салъыкам асикнарақа Атасимын акихкетынсан!

нунивим атутна

Ысҳапаман апы ихлъыге нунамун, Уата ўи ынқапихтақақа кек. Нами, ўи упынгақ укъеқлъу алъагунагутахка, Натын ылъминың нунивак атугақуқ. Ипа суна ылъңанун тутақнан, Упынгак, кек укъеқ, укъюқ. Апы сали упынгами ихтыңган, Кеяҳқа сали таным кишпаўитно́қуқ. Каниуҳтыңгақу, калгилгит кытнани Тыгмегыт ныпнийитут, акулъпилъутың. Атасикун упынгақ амта кишпыкақат. Нунивагмун ўи пеко, ылъңа, лъиқа юк, кангутақақа:

— Қуянақуқ нынлъылъқусиқ киңумтыни уныхлъысе. Ывык энмет қыюққылге усухтуяни нунами. Қикмисаят энмет алелсит, нынлъысуқтыңсаку. Қуякамкын анлин тулъысетын, упынсақ! Лъиқа анака ўи алелъысе, ысқатояқа. Қонпың упынсанық, утақақлъықамкын, Нунивахтын, анусакнықтуқатыи!

нами, Уи ылъпык **АВАНГИТАМКЫН**

Нами, уи ылъпык авангитамкын, Натын ўи авақутака анлеқуқ. Ылъпык на утакамаякын. Таўенак суна ми, анлъук, ылъпык авагуман. Сикулъагым упынгами кулигатақана, Сали ўи ытако канихпысини. Упынгак алъакентакук укъёмын. Имак ўата кылылнакылгеми. Навык лъика илука катнугакук. Эты құн ылънан амта ынқахтана? Лъика насигак укьюми итаклъуку Ыглыгусимақа ўи ынқахлъықылътын Пиникулъыхпук упынгам кынлынанун. Сали ўи ысхагьюгакака упынгак. Тумыт, ошат, ют — ынқалинқутат ылъпының, Нами, ўи ылъпык авагитамкын.

КЫПНЫГАХСИК

Упынгага, тайқакма кыпныгахсиқ, Сайнакун кергысама тынаугакут нагуят... Канихпак, қанихпак ихтакук, Лънка укъек таным утыхлъыге. Атасиқ қанық ниқуқумку ылъпының, Таным үй укпыхльыко, Натын пиникульык таўатытук. Пинимсухенаглуку ысхагнахтук пиникьян. Натпека ылъпык камна илун? Нунакилангита қанигмын? Қеуңқеқ қытңани имами, Аалиқ акулъпитақуқ. Тауенақ ўи ылъпык ысхайитамкын.

Пакмакын аныхлъукако, Лъика укиглило, Силъамун кергысакун ысмитако -...Апума, апыпихсима. Угумангита қанирагақ, Апым нуна унисимантита. Сали апылъагым ылъикакет Сивулит пыюхтыт тумнит. Апыам сали: қаник эхтулуни Ихтакук, ихтукак, ихтукак. Ниулагутын итыгьялгетын илонун, Апыпагнитақуқ, нынлъыпагнитақуқ. Ынкам утыхпахльо пилгена: Угумангита қанирагақ... Пакмакын аныхлъукако, Ынкако, ынкако, ынкако. Апы-ам кергысам аматнани, тайқакма Ихтакук, ихтакук, ихтакук...

КИЙЫМНУН АТУТЫВУК САГМАГНАГУТАХПУК

Атутывук сали аяқақахпук. Кийымнуң лъигақнамнуң атугакахпук. Атутым паютакетыкук! Игнетук ик қуяналгик, Игнетуқ алывик наклъыгналге. Наньяклъуку, лъика Тугуяқа тыңынгахақ Илумни итакакака сали Апынгелнук канык. Ультыхпынани навык тук илу, Кимахпынани тук Яқуныкаталгеситун тыгмерагахситун. Пиникулъыхпук, ысхалъыхпук Атасимың атутылык. Атутывук сали аяқақақпук, Кийымнуң лъигақнамнуң атугакахпук. Атутым икаюгакетыкук кангулъыгекук. Игнетук ик қуяналгик. Игнетук алывик наклъыгналге. Киени нунамун апыхтугнегапук Апалъуйт атутымнун. Кийымнун никугнегетыкук Масам акиуулъыган, ымган куигагым Ынкам микагапим қыюхпигалгим насигам. Суна аваухлъықьивук, нами! Кивгукнахлъмкук авакуан ыгнык Малихса атутымнун, Ик куяналгик, Алывим наклъыгналгим, Масам акиуулъыган, Насигам кыюкыхтам! Атутывук сагмаяхқангитахпук Уата итакьяхкаў ахпук!

Гина юм, ысқалъқа пахсинаналуни, Накалъу қунлуглуни, тахсиқтуқақуқ: Корын, корын.

Ысқапакатын ке панилъутын, Самун лъиқа лъиқсугнияққагутын. (Укьюгак панилгит пагақыкет:

Паа! Па!

— Қунлухлъуки, наңгулуки.
Наклъыгнақут илета ысҳалъҳит,
Қихсикуселгит, улугьягалгит.
Пытқальамың микисқит гинаҳсулгит.
Пуюром гинасуит ысҳапаҳтулгит,
Қиңилъхиралгит.
Ынлагьюлъыгеми кывналге юк,
Пинигивкақат.
Пахсиңалгим юм гина, пахсиңалъҳа
Ынқагнаҳтуқ, уникпаңқаҳлъыгеми.
Гинаҳсуҳтывкаҳпынан юлгутын, агнақ, микисқиқ.

Қаңиқ, лъиқа, ўилгытақ Наманимсухенам! Уи, лъиқа нагуяқ Қуйваңамсухенам!

Нуна налъхангалге Илу ылъкунгалге Анунагута сиглыгым, Акуна анукым!

Каңиқ, лъиқа, ўилгытақ Наманимсухенам! Уи, лъиқа нагуяқ Куйваңамсухенам!

Ылъхым кынлына ысхагнетук, Сиглық иланикнетук! Таўенак ылъпык сали... Гинан авигатывкакан!

Каңиқ, лъиқа, ўилгытақ Наманимсухенам! Уи, лънқа нагуяқ Қуйваңамсухенам!

УИ ҚИЛАҚ ЫСХАПАҚАҚА

Ануқ ухтыльқа çа — қилиқата çа. Қилагмун ыс хапа қо, Илўинамкун қани çа қо. ... Кытый гым тыңта қет қилит. — На қам! Маса қ! Қилат а хту çа қат сапны смың маса қ! Ым унатык лъй қа уты х на қусе çата қуқ: Қила қ, Маса қ! ... Кытый гым тыңта қа қила к. — На қам! Маса қ!

Масақ, ўиноқи! Амта ўи илука аналъаухтақуқ килакыхтамун нунамун.

АТАНЫК

Уаникоқнаку илу нунаниққақа. Уаникоқнаку қаку уникпарарнақа... Иралунақа... Иралунақа... Иралунақа... Иралунақа... Иралун нуна акиуқфикақа. Иралум аран хуқ Қальтаурак, ималык ымырмын, Тальиқпирминың турумеқақа. Альиқақ, ималык айхинын, Укухкусирминың сақумеқақа. Иралум арнан хуқ ымисима юк, Каварнанисимауқ юк. Унинасогниққумауқ юк. Льыран иралуқ науқаққақуқ, Қаварнанитақуқ юк...

Пеқут ынпыт:

— Игалуқ науқахқақыкан, Игалулуку апыхпынан!
Атангулуку апыгақисиун!

Игалуқ, атангулуку апыгақнатхун, Қуяқуқ хуқ!
Пытқа акамлъухқақуқ хуқ!
Игалуқ, науқахқылге,
Уатпеқат хуқ:
— Атанылъқусиқ!
Атаныругақ!

Натын хуқ, игалулуку апыгақнатхун, Ылагниугақуқ! Атангулуни апхийқақуқ! Ысхакака кергысакун имак, Никуяка лъика атутна юпим: - Атутын ылъпык, имак, никугакака. Каватақуқ сали қакымна... каватақуқ, Силъа юкувингетакук. Саўака кек, саўака кек ўимни ылъык? - Никугнакыснун ўи атутымнын. Атугнегақа ўи сивулилуку, Апытыкувсе́: — Саўа ылъпыни ыютна? ...Сивутмун сукалъуни юк пыюхпакук, Анатугекук натын. Суна аңунақақаун ылъңан? Анунақақа ыныни, аңунақақа нунани... Анунақақа углақ! Сивутмун айханка сахтақанка, умьюгарахтақо: «Кайўа юм тумыни илисимакаун пинитун? Кайўа накимагнагута! ...Тутақуқ ынминун юк. Тутақуқ нунаминун, Нами, сали ыглыганехтук. Ыглыхтыкуми пакынега Атуты, нуна... имақ накалъу... Пыюхпаглуни ыглыхтыкуми, анатугикуми, Юпим ўата анунега атутыни! Лъоган!

Ығлықлъығетын, атутыка нунаниқыкувгуң, атуқуң. — Пимауқ ағнақ.

Атутақақа тумыхкан ылъпык. Кангутақақа ылъыхқан ылъпык. Сагикнесийкыйитака, нами! Нахнесийкыйитака, нами! Куякийкыло таўатпингито. Пиникийкыло таўатпингито. Атутақақа тумыхкан ылъпык. Кангутақақа ылъыхқан ылъпык. Анугақийқылътын. Кишпылайқылътын. Иқлъухпынан, айнумихпынан. Аваухпынан қаку лъыган Кина лъыган, суна лъыган. Атутақақа тумыхкан ылъпык. Кангутақақа ылъыхқан ылъпык. Аваухпыне палахтыкувык. Аваухпыне пилъылътакувык. Анугакнакыкувык нунапынун, Нуналгутыпынун, ылъыгмун. Эсур — ынқагнакывна ўи амта! Эгун, мыгниухсикувык лъыган нани, Уатпияхкамкын лъурак тагани: Сиглытунгитутын натытынгаҳпык: Сиглыгунгахнык илини пинингахнык. Икнакетынгахпык илини умелгунгахпык. Анқагулъыгетын илумни!

НУНА ЫГЛЫХФИК

Юм, пиникьяни нуна, Қавануқарапихтақа. Юм, пиникьяни нуна, Атутыкарапихтақа. Таным матын тупахто Илука сетыпихлъуку. Таным матын тупахто, Нунака ынқакыпихлъуку. Қавануни...

месысу:

Қаугьялъкусе Нувуқам, Тагралъкусе имам. Уелынкыкун, ыльыгетын, юк! Ысхамақа имақ наманыпик, Найпысимақа силъа кытыйгыпик, Найпысимақа сапыхнақ-имагнақ, Куйванак масак! Нувукак, Нувукак! Нувутуқақ, ывыхтуқақ, Ыкыхтуқақ... Уакын масак нугумауқ, Нунахлъумкун ыглыхсимаук. Нувуками алегумауна Нунахлъумкун ыглыхлъыклъо. Уелынкықун, ылъыгетын юк! Уелынкықун, нунатын ынлықналгетын! ...Юм, пиникъяни нуна. Қаваңуқарапихтақа. Юм, пиникьяни нуна, Атутыкарапихтақа.

ҚАЙУА ЮҚ ҚИНУЛИМЫН АТУТЫЛГО?

Кайўа юк кинулимын атутылго? Кайўа ылъысми кинулимың атутылго? Аўатмун пахсинако, Никугогако. Уимни регалъ Никухлъыкан атун. Налъкыльыкан апальухка. Акуна атуман тана атун Кулмун қагвахлъықуқ илун! Қаныхтын, умьюгатын... акуна ихкын, Апалъухлъыкут атутымун! Юм кафсахтальха, кунгым, имам авило... Имагнак, масак, ануқы! — Атутыругагут има! ... Қанирағақ ихтақуқ микагапик. Атутмың тумлигақуқ! Махогақат қиқмит Силъа манияхка... Юм апы тутмақа, тырытахтывкақа... Атуты тумақуқ! Апалъук пугакук! Юм, Нунам, Ыютым атутыхка! Кайўа юк кинулимын атутылго? Кайўа ылъысми кинулимын атутылго?

УИ ЫЛЪПЫК ПИНИКАКАМКЫН

Тупахтана масам, Акуихфикана этам. Писаклъуни, ылагниуглуни, Масаехани тымна атугнилуку. - Анлъыко, масақ, анлықатле. Татаку, масак! Рыпалъ игухтат тумыт Натын макныхтет. Пыткалъамын макнъыхка Камвакимумын! Тамана таўёнак матын кангутыкақат. Ихкын-ам ылъпык қыюлгик, лъика уна имақ. Ихкын ылъпык, лъика уна килак! Апытахпына, натын ылъпысиситун «Уи ылъпык пиниқақамкын?» - Масам умьюган угухта, Нукуви ошам тагныганун. Килъыкамкын: Пиникилъык, кангунгитук ўанкуни. Пиникилъык илуми ытук! Алехкарагнетук, кивратыкнетук. Пиникилъык... апыгнетук! Аваситно аугныпа? - Нами. Найпынеган. Пиникилъык кийымагук, Итагнапихтук. Аваситнунгитук.

КЕМ АТУТНА

Каянгым силъам илука ўаймаўивкақа, Силъалъум-ам нипалъахтывакака. Малихтакнамку силъа Атуты нутагингақ атугақақа. ... Лъалахат ысхаманка насигагни, ывыгни, Пашкелитанун тук алнагоклъаки. Атумагма илука сегақақа. Ныпникума киени нипалъахлъмко. Кыта-ам, анукнусутыклъуку, Канакнам, авилухтумасми, Ыныт укут калигурегазлынкаки! Келъкусит таграўакут! Сиқпапихтақут анлипик, Лъахатакут лъыган! Таграўақуқ, лъыган сиқсилуки кыльиқат, Сильагет ют, қаугьяқ... Лъика саяк мумыгминын Лъынахтая, саюты таўа тусисиман. Саюлгим ынкам айхет улыкьюгахталгит, Тыгмегым лъика якук русаўикаталгик, Силъыхсилуни ихсималгим тайимавык иманун, Тайимавык нунамун... туситақа саюты.

Юк нукувгақуқ имам синыңани. Қем сикпаҳлъыгинун акулъпитақут Тагьюгнилнут амта алывит...

АЙНУМИТЫКЫХПЫНАН АКУНА АТАСИК ЫГНЫК

Накын ылагиилъык? Накын ныналъық? Накын алывик? Накын нипалъальык? Накын қывуты? Накын льогиюты? - Тамын, атасимың ыгныгмын Ылъпынун айнумилъыхпының. Ылъпытыгыгның айнумималге Ысныеми тами, манисусахльыкук Унокуя, атхынра: «Уныхтын, пинисилъунун! Ынлалъун, қуянамнун ылъунун! Аўийкувык нақам-ам, агулехлъықуқ Уимни ылъық! - Нами, пиникнетутын! Ынлагьюнетутын алъамын! Куякнетутын алъамын! ...Айнумитыкнетук ылъминун Акуна атасиқ ығнық! Накын ылагнилъык? Накын нипалъалъык? Накын қывуты? Накын льогиюты? Тамың, атасимың ыснықмың. Ылъпынун айнумилъыхпынын.

КУИГЫТ АНИТ

«Апықақат, Нувуқам куихльон хуқ кынлыңани, тайпаманисак, Куигыт анит; упынқая, умухтақет куигыт ывьельқусигминың. Нуяльқусит, кыхсупихльуни увинга. «Куигыт умухтет». — Таўатпекет куигыт суплъыкақната.

(Укьюгалъақ қулигамсук).

Гутысхынинагмын, инло тальини қумиңган, Иманлыхтонахкынка нальогринанхагни, (Сакаюхлъықа, налългринанхагни!) Агихтақыситақуқ кытңани агнагасурагақ. Тыгмегыт эты никугогақаки? Накалъу куик, суплъыкьитамагми, макныгухса? Куигыт анита нанылъуита куигыт умухтет. Куигыт анит — игалугук кекатая таўа. Куигыт анит — сивулихпигат насигет нунивим. Куигыт анит — Масақ қонпын, ығнықтоқ. Куигыт анит — игало агнам, ынлыкнам! Ымық масами қывлықшиталге, Қаюқьягулъықат нувукахмит, Умугнихсугнилнук рыпалъ ымга куигым. Уаңкугнуң агнагалгутыкулъунун Қалътауғат итхулъықапук манығамун Нанылъугмын юпит қуякақат Куигым ани. Куигым ани — игалуқ кекатая таўа. Киугыт анит - Сивулихпигат насигет нунивим. Куигыт анит — Масақ қонпын, ыгныхтоқ. Куигыт анит — игало агнам, ынлықнам! Кытухтуқ ылъык «Нанитагалгит ыгныгыт», Намауқ игало ыгныхтогым. Ыпхатақут анлинхат, Ынпыт уникпагет никугогакет. Ыпхақут ысхауналгит. Масақ тывийита амалъкам,

Ақумақуқ, таным таухкын қагвақуқ. Уноми тутуқ аньялге ынминун. Нукувгақуқ мантыгам силъатиани, умьюгарахтакук: «Агнак, ыгнык, упынгак, Уи утыгнихто аньялгена. Пинитун ытақлън Куигыт анит! Ымыхто куигым ымганын, Уелынкықун! Қуянахалан!

КИУГЬИТ

Нуна кумлата, ыпхита Нынлъынухтылъкапихта! Уаникуми ангилгит Кулмун кылылнакут.

Агнагақ агулегақуқ, Амта қулмун кылылнақуқ. Киугьит, киугьит агулақут! Агнат гутысхыкыхтат қаҳақут! Нынлъысук, силъа ныпнингалге,

Умьюгақ илумни углалге!
Сими кеқ укьюгак алигнамат,
Алегақцата қилагми киугьит?
Сими кеқ алиныльтың қимамат
Мантыгагмыхтынун ют?
Таўатын қулигамсугақут қун
ынпыт хук:

Куигьит хуқ макут агнаугақут. Алигнақут, аглыгнақут. Анлинҳагни, микисқини Анланитыкнетақут. Укыогак ылъық тарумалге Аглықлъуку ынлықналге. Укьюгак ылъық наклъыгнамалге, Куйвакыхпынан қуяналге. Куигьит хуқ сиглынқутноқут, Алигнақут, аглыгнақут... Агулақнамын қаҳақут Агнат гутысхыкыхтат! ...Ынлықнақут...

....алигнақут... —

ўасақ! Матыми алъа ылъық лъихтуқ. Матыми юк қуйваяхтуқ, Суна сиглық ыхлъуку Киугъит, киугъит агулақут! Агнат гутысхыкыхтат қахақут! Ынлықнъақут, аглыгнетақут! Киугъит, киугъит агулақут! Суңаның, қипаның, ипа натылнугның Ынлықнаглуки энмет миңкумақет! Киугъит, киугъит агулақут! Агнат гутысхыкыхтат қаҳақут! Углат умьюгат қуяналгит...

имам ымга тагьюгнилнук

Ануқы, кытыйғы. Қаник... таным ануқы, Таухкын масақ, наманық. Аваугнетуқ тауенақ Имам ымга тагьюгнилнуқ... Агихтақнавык қонпын, Мугулъыгетын, Имам ымган тагьюгнилнум. Камгыхкын тапысимақак. ...Тауенақ қуялъысмың Уи ытако: Агихтақнавык, пайыгақо. Калукақ ымылык тунақақа. Ымитылъхаглуку ныхсак, Уныхлъыге, ымыгақан. Таухкын или ымық кытнанун, Имам туңынанун кувақан. ... Имам ымга тагьюгнилнук. Тугумеқақақа агикнан, Ысхапақамкын, лъиқа нутан ысхаямкын... Имам ымга тагьюгнилуқ...

Юм атутна никуглуку Сивутмун ыглыхсимауна. Юм атутна никуглуку Куямауна илуинамкун. Атутна юм... Илуминын атумаук, Пинитун ысийқылуку нуна, Пинитун ысийқылуку юк. Натын ылънан илумикун Пима нуна, пима ила Тумыкыхсийкылуку. Юм атутна никуглуку, Никухто амта ўи: Сивутмун таўенақ Ыглыхсахқана, Кина, суна ынқаклъуку! Юм атутна, Юм атутна... ...никуглуку.

Атутым ыглыгуса суна лънган Никугнақуқ матын ылъпының. Атуты ўн қуякақақа, натын Ылъпык салъхын ныгьюкакака. Салъхын. Ылъхын, нымытхуалъхын. Атутым ўи кулигатана, Ынкам пена: — Қылылнана, ылъық кулмун ығлықтақуқ. Асеның эгун ануқнуқтыкаку, Утыхныгмың ахтугнахқылъықуқ. Атутым малихтақа қилак ўаникуя. Унугнаниса, укьюгак Ыпхагнахкака... Атуты алъпакук ылъминын. Пыюлгим атуты санақа, Налге нунивак ысхаглуку. Салъықам сивутмун аңатугеклъи пыюк, Салъықам атуты нунанилге ытақлъи! Мыгниухсилъхаглуни, юм атугақа Атуты тумыми, атутна ылъхым.

Упынгага...
Китухтут нанитагат ыгныгыт,
Қалимиумяуқтыпихта!
Қуянанақ илу!
Нықнъеқтыт нықсапихтақут.
Ысқаяқпут нунивак угукатая,
Лъика пилге:
— Упынгақ ыглықтақуқ.
Пиқтуқнанита, ануқылъқусинаўақуқ илини...
Қалмиўияуқтыпихта!
Упынгами тыгик тупақуқ,
Қуянахқақа наныльон ыльық.

Нувуками ашалгит агнат налъогринагның

Ықнық таклъилге қуянақ минқытуқанун... Упынқақ қуянақ... Итықақлъи салъықам Ынынун гамга, мантықанун!

Ынкам ўи ысхалгугаканка

Нутагингагның гутысхының.

Укьеқ қиңумни уныхтуқ. Укьюк китухтук. Упынгаяхқа утақанахқуқ. Илу укьеяхкайита қаку лъыган. Укьюқ илуми ылъикнетук, Натын ылъық упынтамын ытуқ. Кегми ылъна ыглыхтақуқ. Илисуқнақақиун қаку лъыган Ыльпык ыглыхльысын ысхаяхкак. Укьеқ кинумни уныхтуқ. Упынгақ кийыми уныхситуқ — Укьегыт, укьют ыглыхтакут. Апытако ўимнун, китуйин ылъпык? Китулъықын-ам илупыни ыйкан укьек? Упынгақ ытақлъи қонпын илони юм...

Укьец киңулулилуни уныхтақлъи эвани...

САЛИ УПЫНГАК

Сали упынғақ мелъкынесималуку Килим синына таңқихтақа-таўатын Илу қамна ылъминын ниқуғақуқ Упынғағыюққа, униғыоққа. Эвани ингит апныт қывлықшитатақут Кусиғақуқ қалиғура силъатымта, қалмиугияқтыкатаға қакымна. Пысенқалғыт таўа теюққут. Сали упынғақ мелъкынесималуку, Утақанаяқпут, мелъкақақпут. Салъықам сали упынғангитынғаку, Уенлыги уноқу анунега Упынғам нунивак, юк.

КИМУХСИК

Қамаук... таўенақ тунун ысхагақа. Қылыги силъатымтыхун ылъпык агутын. Пахтылгык қылыги апыкун агумаук. Кина сивулияхқақ ынқакақақа ўи. Ылъпык қиқмигахтын сукапихтут. Таўенақ ысхахпынаң сайхохтутын. Пахтылгык... камавык пахтыралъхык Таўенақ ысхапақахка. Қаку натын утыхлъықьин ылъпык?...

Кегми нутан унонухса, Анақутын ылъпык кынылилътын. Гутысхырақ қантаққалуку Килъыхлъуку... Унохпигамалуку, нутан унонухса, Сали ывык лъалахипихтакук Сали кина лъыган анйитук, Тупагьягақальтын агулахқугақутын. Уаникуя, тетухса малихлъуку, Агихтыкатақутын. Иламни регалъ нукувако тумым аўатцани, Атугақукут тунийқылъта агулахқунун: «Але-поле, агулали-поле... Нықынлъамың тунина, қулнимың тунина...» Қалнагасоқ тунақан ўимнун Сухамын имигангалге. Куяпихтако ўи ынлагьюгако. Агулахкулъык, Мыгнуңгақутын, Нақам илун ылъқуңгақуқ Мулунилътын нунивагми.

КЕРГЫСАКУН ЫСХАПАҚАНҚА ҚАНИТ ИХЛЪЫГИТ

Кергысакун ысқапақанка Қанит ихлъыгит... Ынқақанка тайимани Қуқунат ихлъыгит напақтунын. Қаник ымгуқтақуқ... Упынгақ ўи ынқақақа, Москвами упынгами Ылыхтақет қуқунат, Укьеми ихсималгит. Упынгами ысқапақақа қаник ихлъыге... Қаним ынқақтывкақа укьеқ. Уноми, упынгами, канигрумауқ амалъи.

Тумырагахкун ыглыхтақо — нунивагмун пеқо. Науқахқыюхая нунивак, ывыгнын, наситагнын... Масам суна лъыган акықывкайита. Унопигми сали лъалахам камгыхка ыплъыгутак. Нунамун инахтыкагло нагумақа насигақ — Нықнилъха қонпың қавсигарагның апыгнақ. Атасим насигам илука имигақа. Ынқақақа қанихтуса ымама: Туқупиругайитуқ нунивак. Упынгая таным унигакук. Насигат, ывгыт, укпигагыт наўакут, наукахкакут. Укьеми, нунивак тукокнан, Хуқ акуна микискит саниванетақут. Иыкай упынгами, таўа кекатая. ... Нунивахкун ыглыхтако, Илука ылъкунгакук. Нутан упынгакатая, Нунивак упынгамын атутылык!

тыгмегит нувукум

Нувуқақ упынғами.

Кумақатағыохая...

...тетук нақам,
сама — М-а-сақ!
Эгун тувеғыохая,
Сувилнугмың гутысхало,
Юқахсимауна:
Кытнани имани,
Тетум акулнани —
қалғиқ!
— А-а-лиқ! А-а-лиқ! — Тыгмепит!
Кеуң-қеуң-қеун! — Қағытҳеҳат!
Сакаюхлъықалаң!
Куйванаҳалаң!

Сикмиқагло ықытақақо илуинамкун

Нувукак!

Тагақут игургит,
Асигақанка:
— Игур-ге-гур-ге-е-е!...
Уаяни! Питуқ!
Айуеқын! Тайўеқын!
Улукшамың кыхмелык!
Аяҳа-а-а-а-а-! Яңи-ҳи-и-и!
Гу-у-у-уй!
Игургит китугақут,
Наӷуят касугақут,
Асигақанка:
— Нагуявита-а-а, анавита-а-а!
Иқалъоҳавита! Тунуҳавита!
Нагуяуң!
Қеуң-қеуң-қеуң!

...Кытнани, имани, Тетум акулнани Қалғиқ! Нувуқақ упынғами... Сакаюхлъықалан! Қуйванаҳалаң!

Сикмиқағло, ықытақақа Илуинамкун Нувуқақ!

сивулик ыскухты

ЕМРОТМУН

Қанихпит, қанихпит ихтақут, Семақут кайывагумагмың... Қыҳсулге сайыгелитақа Таным матын нутан атақа.

Тумыка ыскугвигмун нанитагақуқ, Аңатугинақо натын. Тумыка ыскугвигмун нанатагақуқ, Қуянақо натын.

Таным ўи ылънан пайыгақана Ыскулъхагумаягмина. Лъиқа таным нутан матын Ыскугвигмун итылгена.

Қанихпит, қанихпит ихтақут, Семақут кайывагумагмын... Қанықтын ылъпык итакақанка, Қонпың ынқаклъықанка.

Сивулилътын ылъпык илитывкаматын Алнаныгмын: «Нуна... Ана...» Сивулихтын, ыскухтымкын! Лъика ылъпык таным матын, Углак гиўи аглукулъу, Апыхтусахпына стихигмын Нунака пиникийкылуку.

Қанихпит, қанихпит ихтақут, Семақут кайыварумармын... Ысқапақанка ыскурьялрит. Ысқалрурақамкын ылъпык, Сивулихтын ыскуутылъ хамкын!

УНИКПАГАК

Сиглыгоқуқ илука, Таругақуқ агра. Кумаңгақуқ қанықа, Лъигапиўақукут...

- Кина атугақа?
- Кина саюгака?
- Кина каныгақа?
- Кина ытақа?

— Ағнақ қанығақуқ, Ағнақ атуғақуқ, Ағнақ саюғақуқ, Ағнақ ытақуқ.

Сиглыгоқуқ илука, Сетақуқ ыға, Сетақуқ канықа, Нуниветақуқ...

- Кина атугақа?
- Кина саюгақа?
- Кина каныгақа?
- Кина ытақа?

— Аваснахақ қанығақуқ, Авыснахақ атуғақуқ Авыснахақ саюғақуқ, Авыснахақ ытақуқ.

Сиглыгоқуқ илука, Тыгмегитақуқ қилак, Кумаңгақуқ қанықа, Тыгитақуқ имақ.

- Кина атугақа?
- Кина саюгақа?
- Кина каныгақа?
- Кина ытақа?

Юк каныгақуқ, Юк атугақуқ, Юк саюгақуқ, Юк ытақуқ. Таўатын хуқ атусимат кегнами: агнақ, авыснахақ, юк. Таўа.

ТАУАЛЪУ?

Кийыма ысимало. Нунанитыпихсималуку илука, Нунанитыпихсималуку силъа. Кинкут, қахкут ынқақанка, Илуит анлин сиглыгуяхкат. Амта анлин аленияхкат. Пулагьюгако, Айпаюгако. Уатпилаки тауенак тук: Кайўа пинигакысиси? Кайўа гуситаси? Қайуа икаюгнетақысиси? Қайуа аленийисиси? Акуна пинингахпыси. Акуна углангахпыси, Акуна макнынгахпыси, Кина силъалъугми алениукан, Пулагнакыйиун: — Қайуа пинигақын? Кайўа гуситатын? Кайўа икаюгнетакьин? Қайуа аленийисин? Эгун ке силъалъугми итыкаси, Умиюхпынаси. Уайманакыси: Қайўа пинигақынн? Қайгуа гуныгитатын? Қайўа икаюгнесин? Қайуа аленийисин? Аварухнакыйиүн ило, Ынлагнахқынакыйиун силъа, Айпақнакыйиун акуна, Апынакыйиун ўата: — Таўальу?

АНУКЫСЕ

Сими укъёми қилак ыпхитыпихтақаун? Сими укъёми килак кыюхкыпихтакаун? Сыкынагма ыглыхтако. Килак ысхагьюхпынан! Сыкынагма ыглыхтақо, Килак кылылнакыхпынан! Сими укьёми килак ыпхитыпихтакаун? Сими укьёми килак қыюхқыпихтақаун? Таным тынагун авилугук, Кулмун ысхалъкахто! - Таным құлак қилетақұқ, Таным ыпхитакук! Сими укъёми қилак ыпхитыпихтакаун? Сими укьёми килак қыюхқыпихтақаун? Каянинган аньюгнанитако, Таным қилак анлин ыпхита! Ангигьюнгагма; акумако, Атугако ынлако. Сими укьёми қилак ыпхитыпихтакаун? Сими укьёми килак қыюхқыпихтақаун? Ануқысе, кина, қагна! Анукысе, кина, кагна! Пихтум, қилим саплъиун қилак! Анукнухлъиун кытакагак! Авауглаку натын қилак?

Ылъпык ысымрумахпына: Синагна... Йыкйыхтуқ илука, Макныхпалахто, Наклъыгьюхто... Сыкынагма пиуна: Таўенақ, тикме! Апытахпына: - Сими? Уатпиуна: - ...сикмихлъыко амта. Алинако натын, Кайнуюгако натын, Алелъықутын натын! Ысхасухлъукукук анлин натын! ...Синахлъықамкын, ...тауенақ — сикме!

на, ылъпык?

...На, атутыка, на? Сагмахсику навык? На, атутыка, на? Напийику имна?....

Илука сиглыгокук -атугақо!... Тукухпынун... Ивагако... Атун сагмангитақа, Ылъпык сагмагамкын! И-и-и... қылыги... сагмагамкын... Илука сиглыгокуқ атугако!... Тукухпынун... Ивагако... На, атутыка, на? Сагмахсику навык? На, атытыка, на? Напийику имна?.... Илука сиглыгокуқ атугақо!.. Тукухпынуп... Ивагако...

Атун сагмангитақа, Ылъпык сагмагамкын! Ини, қылыги,

сагмагамкын!

КИЙЫМА ЫТАҚО — ҚАЮГАҚО

Аленелъкутыка — қаюқа! Илумнун — сематыка!

Қаюқ илака, Қаюқ атутақақа. Кийыма ытақо қаюгақо. Алениугақо қаюгақо. Кийыма ытақо. Атугақо. Қаюқ илака, Қаюқ атутақақа. Кийыма ытақо. Қаюгақо!

Алениугақо
Илука сегақақа,
Кийыма ытақо,
Каныгақо:
— Қаюқ илака,
Қаюқ атутақақа.
Кийыма ытақо,
Қаюгақо!

Аленелъкутыка — қаюқа! Илумнун — сематыка!

нами, иклъунгитутын!

Юм қуйватыкақа силъа каяныпик, Юм қуякақа ила уайманыпик. Юм пиникака ылъык анлъупик --Ылъпык умьюгарахтутын, Нами, и клъчнгитутун! Куяқутын, қияқутын. Атугақутын, қаныгақутын... Нами, иклъунгитутын! Каяникан силъа, Уайманынукан ила. Алнъукан ылъық, Иклъухлъыкан таўатпилъхын. Нами, иқлъунгитутын! Суна ылъпыни пининкутаунган, Илапыни сиглынқутаукан, Йықай ылъпык сиглытуқинан, Илан ўата иқлъухпынан! Йықай ылъпык ахтуқийкинан, Киа ысхаян ахтукийкан. Йықай ылъпык қиякинан, Кина наклъыгнакан. Йықай ылъпык уныхтыкинан, Кина киен уныхтыкан. Натын ылъпык иклъунситутын!

УКЬЕКАТАЯ

Имақ таграгуақуқ,
Ималъқусе Нувуқам.
Кылъиқанун тутақуқ.
Углақ гиуги агуқ
Нувуқахмит ўансалгит.
....Кылъак тыхтыхтақуқ,
Сали углат гиуит агақут.
Кинуныгма илинегет
Углат алнат сагиқналгит.
Нувуқами таўенақ
Уныхсимат мантыгилъхыт.
Кунигвик ныпнингақуқ
(Натын натпили ми!)
Кылъак ыглыхтақуқ

тықтықтақуқ...

Талўа ўавык лъихтут
Нувукахмит,
Илумыхтыни ылъикет
Нувукам саврыгет.
Укьюкатая...
Имак таграўакук,
Сиксиўакук кылъиканун.
Анукы атхахтыкатая,
Кари, гуни,сали ўаникунгита!
Укьеми лъика апым

акықақатын

Амта пинияхкак ылъык укьюми

Сивулиқ сикулъақ ихтухта нагуям яқуминың. Ыкнық натыгми қамумауқ, Апумаяни натыгми. Таңгыгутақуқ ыкуматкугвик...

мелъкынақуқ. Ығнығыт таклъилътың, Ынкам ыкнигнегулъықа

Упынгая ыгныгми

ытахум.

Нунивак кегми итаклъуку — Углатун ыкуматку рвикыхпынан. Налге ўаймаў итыкнак! Кегми йықаям нунивак!

Ыта атасикун атулъун, Лъика укьюгак сивуныпук. Имам синынани утақақылгит... Укьюхпак атутынлъакылгит, Саютынлъақылгит... Утақапихтақыкет упынгая Нанраяхкат элит, имаклъит. Ивыльыгит, маглальыгит, Полъасипихлъыгит!.. Ысхапалгеми юпим саютна. Никугнахтук Ынлықналге ыютңа. Атутым ыглыгутақа юк, Лъика тыгмек анукыми. Углақ гиўи аглукулъу Ысхасаухсимат юпит, Ыкыгақылътын, накалъу Нанрақылъта ўанкута. Атасигутақнамта таўа Уата, ўата касагутакукут!

ТЫКЫВЫК

Мамрохпак, Нувукак, Нунак Укьюгак ытвикумает юпит. Укьюгакнаку апыпихтакьет, Нынлъыхпигак, рыпалъ на Нуна қупахқугнеқыкит. Пекылгит: «Тыкывык ыглыхтакук». Сыкылъуни тухтугакук нунамун. Юпит акекат мантыгани Ыпыхсатының накалъу рыпаның. Акеқнани, Тыкывгым Кыхмеқлъуки акитыни Сыкынегакук нунамын. Эгун хуқ ке талъиминың Накалъу игуминын Акикаку Тыкывық, Сахлънкук кыхмеклъуку тальик, Накалъу игу. Мамрохпак, Нунак, Нувукак Юпит нунет... Укьюк, нынлъыпик. Уаникуми, унугми Тыхтыхтакук нуна. Ақуигақуқ кийыми Нунакун Тыкывык.

АКУМТУК

Имам синынанун Килим синынанун Ақумақуқ масақ. Кавихкылуни Хутымсухенам лъиқа, Нынлъыпигми, Мугутақут, ағывсахсимангилнут, Алгуманат укут! Анлинхат, полъакната, Агывсахсималгит, Алгумапихтакут мугулъыгенун... Лъынахтакут саят. Қайгими полъақут. Агывсахсималгенун Касутақут нуналгутнит, Паюхтакут. Кантет паюхлъыгит, Имеситут, имигакет Агывсахсималгит. Саягмыхтының лъынахтақут Налънини нулегит акумакут, Саюхлъықылътын, саяхлъықылътын. Укьюк. Акумтук. Нынлъыпик. Полъакут. Нувуками.

СОДЕРЖАНИЕ

| | Упынгам құянатна | 3 |
|--|--|----------|
| Сукапигмың ыглықтақуқ | Силъа анукнухтыкатая | 4 |
| қимухсиқ. | Аленигутна агнам | 5 |
| Викмигарагет сукапихтут. | Кыхсухпигалге укьюк | 6 |
| Пот-пот-пот, | Атутым анунега юпик напи лъыган | 7 8 |
| | Атутнак ысхауналгик | 9 |
| Қық-қық-қық. Ними | Аттангухта | 11 |
| Никугақут лъыган. | | 13 |
| Қавсиның кеқ қулигамсукақьяки | Нами он ыльпык авангитамкын | 14 |
| Қиқмигақтын, тумын | Kunnarayenk | 15 |
| қимухсигвин | Пакмакын аныхлъукако | 16 |
| Қиқми ғарагат, қамаук | Кийымнун атутывук сагмагнагутахпук | 17 |
| ынкам тумын. | Гина, ысхалъха пахсинаналуни | 19 19 |
| Сикмиқалътын ысқалғуғақан. | Каник льика уилгызак | 20 |
| Tava vannurarur | уи қилақ ысуапақақа | 21 |
| Гаўа уминугакук | Атанық. | 22 |
| Хамаук пахтыралъхак. | | 23 |
| Уи қмиқат сукатақут | Нуна ыглыхфик | 24 |
| и лъиқа алемияхлъыгена. | Кайда юк кинулимын атутылгог | 25 |
| Гуйкувык этам пайыхлъықатын | Via translik hunukakaMKHH | 26 |
| Агнам атылгым | Кем атутна | 27 |
| (айуалъамын Кейныкейымын. | Айнумитыкыхпынан акуна атасиқ ырнық | 28 29 |
| Мулулъықан қулигамсулъуку, | Кунгыт анит | 31 |
| CHEMBERT HELVELONES VOLUME | Киугьит | 33 |
| бикмигат ныхкусилъхаглуки. | Man binia laiboinnoilyis | 34 |
| Хамаухкын минлъыхлъықахкын. | IOM atytija hikytnyky | 35 |
| Кавам кынлынанун қули ғамсунгалъы қ утын | Атутым ыглыгуса суна лъыган | 36 |
| умы апыглуку, қамаук, қиқмигат. | | 37 |
| уқ ўи амта Кейнықейыситун, | Cany vintings | 38 |
| Іайығақлъакын тутыкаталгетын! | Kumuyeug | 39 |
| Інкам қиқмигазтын нызкусеқлъани. | Kermu hytan vhohvxca | 40 |
| Ісхалгугақақа нулегын | Кергысакун ысхапаканка қанит ихлъыгит | 41 |
| Іеко сакве имиа каракто билі | Тумырагахкун ыглыхтако — нунивагмун пеко | 43 |
| Іеқо, сақйе, имна, «авагло ўи»! | THE | 45 |
| Самың туқ ынқалилъе!) | CHBYJIK BICKYXIBI | 46 |
| Гатын ўи тумыка | Уникпагак . | 48 |
| лъакагми ытук — | | 49 |
| Іглыхсахкаго нунакохситыкун. | LI we write troubly WWW. Thill I | 51 |
| | На, ылъпык? | 52 |
| | III, DATE DIDENT | |

| Кийыма ыта | | | | |) | 7.0 | | 54 | 29 | 1 | 8 | 5 |
|------------|----|------|-----|----|----|-----|-----|----|----|----|----|---|
| Нами, иклъ | УH | итут | ын! | | 19 | | 723 | | 74 | 12 | 27 | 5 |
| Укьекатая | | | - | | | | | | | | | E |
| Ыта атасик | УН | атул | ъун | | | | | | | | | 5 |
| Тыкывық | 21 | 10 | | | | | 100 | | | | | E |
| Ақумтуқ". | 11 | 0 | 7 | 20 | | | | | 1 | | | 5 |
| Сукапигмын | Ы | глых | так | УК | | | | | 1 | | | 6 |

НЕНЛЮМКИНА Зоя Николаевна

УПЫНГАМ ҚУЯНАТНА ВЕСНА СЧАСТЬЯ

Стихи

Художественный редактор В. А. Галимуллин

Технический редактор н. С. Ганцева

ИБ № 997

Сдано в набор 21.08.90. Подписано к печати 25.10.90. Формат 70×90/32. Бумага тип. № 1. Гарнитура литературная. Печать высокая. Усл. п. л. 2,34. Усл. кр.-отт. 2,56. Уч.-изд. л. 1.97 Тираж 500 экз. Заказ 675. Цена 20 к.

Магаданское книжное издательство, 685000, Магадан, пр. Ленина, 2. Издательство Магаданского обкома КПСС, 685000, Магадан, пл. Горького. 9.

Ненлюмкина 3. Н.

H51 Весна счастья: [Стихи].— Магадан: Кн. изд-во, 1990.—60 с.— Текст эск. ISBN 5—7581—0101—X

> Лирические стихи первой эскимосской поэтессы. Книжка посвящена 60-летию Чукотского автономного округа.

$$H = \frac{4702730000 - 035}{M - 149(03) - 90} 12 - 90$$

ББК 84Эск.-5

